



Lerop i eksprim konfyans dan Sesel

Tir nou lo lalis nwanr e felisitasyon pour reouver lekonomi

Bon nouvel kin tonbe semenn pase : Sesel in ganny tire lo lalis nwanr pour servis finansyel 'offshore'. Avek en kategorizasyon 'partially compliant', sektor biznes finansyel in ganny en soulazman avek blokaz par bann pei Lerop ki ti en menas pour sa lendistri enportan.

Depi ler nouvo gouvèrnman LDS in ganny elekte en an pase, i'n travay san ses pour remet lord dan nou sistenm legal e administratif pour sektor finansyel. Sa i vin apre plizyer lannen ki bann pei eropeen ki kontrol biznes enternasyonal tin met sa menas lo nou akoz zot pa ti satisfè avek regilasyon an plas. Bokou dimoun dan sa sektor I dir ki bann pei eropeen I annan de pwa de mezir dan sa ki konsern regleman pour sa lendistri. Me Sesel ti napa swa. I tro bezwen sa lendistri kot laplipar kliyan I sorti dan Lerop menm.

Enn bann lefe mazer sa amelyorasyon dan klasifikasyon pour Sesel se ki i anmenn en gran soulazman dan



sa ki konsern lyen avek bann labank enternasyonal ki nou bezwen pour tranzaksyon. San konfyans dan Sesel, nou bann transaksyon I kapab ganny bloke. I pa en risk ki nou kapab pran.

Sa bon nouvel pour Sesel in ariv an menm tan ki ti annan en delegasyon Linyon Eropeen dan nou pei. Apre zot vizit e diskisyon avek nou gouvèrnman, zot osi zot in eksprim gran konfyans dan direksyon ki Sesel pe pran. Zot in felisit program vaksi-

nasyon kin permet nou reouver lekonomi. Zot in menm rekonnèt ki Sesel in en lekzanp dan lemond pour son dezisyon vit e brav e son aksyon desisiv.

Delegasyon Eropeen in eksprim konfyans ki program lasistans e kooperasyon i kapab kontinyen pli for a lavenir. Sa i en lakonplisman e i redonn nou lespwar ki Sesel pou sirmont son bann difikilte e ki i lo bon semen pour progres. Napa keksoz ki fer nou pli kontan.

LDS i ankor pe mantenir son promes

Malgre pandemi Kovid, Oktob 2020 ti en moman entans dan listwar politik Sesel. Tou lendikasyon ti kler pou dir Seselwa

dan son gran mazorite ti'n fini deside anmenn en sanzman politik dan Sesel e LDS ti zot favori pou diriz Sesel dan sa prosen 5-an e plis. Rezilta pa ti sok person; menm parti

opouwar ti'n fini perdi lespwar ganny sa eleksyon.

La ki gouvèrnman LDS pour byento selebre son premye lannen o-pouwar, i nesese- (kontinyasyon lo paz 2)

Wavel 2020
Sesel Pour Tou Son Zanfan

General Elections 2020 Manifesto

LDS i ankor pe ...

er pas an revy kwa ki LDS ti promet Seselwa e kwa ki zot pe akonpli koman en gouvèrnman.

LDS ti angaz li pour met an mars bann meyer prensip bon gouvèrnans. LDS ti promet pour met lanfaz lo sa bann pwèn swivan :

- **Linite Nasyonal**



LDS in toutan realize ki Sesel i bezwen pas atraver en prozesis pour etabli linite nasyonal pou kapab sirmont sa kriz koze par pandemi Kovid-19. Malgre lopoziyon prensipal in refize korpere avek gouvèrnman, diferan sekter kominote in zwenn ansanm e sirmont bokou defi. Ozordi zour, lendistri touris in rebran son souf gras a korpèsyon tou sekter kominote.

- **Promot loportinite egal pour tou Seselwa**



Depi premye zour ki LDS ti pran gouvèrnans pei, zot in demontre zot determinasyon pour travay avek tou Seselwa pe enport zot krwayans politik. Ozordi zour dan Sesel, malgre bokou tapaz sorti kot lopoziyon, loportinite i an abondans pour tou Seselwa ki oule epanouir. Sa kontrol lo permi travay pour etranze enpoze par gouvèrnman in ouver sitan loportinite e kree lespas pour tou zanfan Sesel

- **Efikasite dan delivre servis**

Prezidan Ramkalawan in toutan fer resorti ki i oule ki gouvèrnman i fonksyonn parey en biznes: savedir ser-

vis gouvèrnman i bezwen tre efikas kot tou dimoun i ganny trete koman kliyan en biznes. Bokou remanman pe kontinyelman ganny fer dan servis piblik pour mye deservi la popilasyon. Deza i annan rezilta pozitif e nouvo fason fer pe transform servis piblik pour le meyer

- **Latransparans e rann kont**



Malgre ki LDS i annan en mazorite absolü dan Lasanble Nasyonal, zot pa pe servi zot lafors politik pour protez legzekitif. Zot in adopte en latitud sever anver kestyonn bann minis lo tou sa ki pase dan zot minister. Zanmen dan listwar Lasanble Nasyonal ki otan minis pe ganny apele pou reponn kestyon bann

reprezantan elekte.

- **Kree en leta kot lalwa i rennye**

LDS i determinen pou kree en 'eta de drwa' pa an parol me an aksyon kot tou sitwayen i egal e person pa privilezye devan lalwa. De lot kote, gouvèrnman pe fer sir ki okenn endividi pa abiz son pouvwar ler zot pe egzekut zot rol dan lenplimantasyon lalwa. Depi Oktob lannen pase, in annan plizyer lenvestigasyon piblik dan sa domenn.

- **Elimin koripsyon**



Depi zour LDS in pran pouvwar, in demontre ki i napa okenn tolerans pour bann konportman ki pa etik. Lalwa in ganny amande pour donn Komisyon Anti Koripsyon plis pouvwar pou prosekit bann ki'n mal servi larzan leta.

Bann fouter dezord

Bann ki pa ti oule sanzman yer pe ozordi servi tou benefis ki sanzman in anmenen. Zot ti kont program LDS pour anmenn laliberte lekspresyon pour tou Seselwa me ozordi zour se zot menm ki pe rod tou mwayen pour eksprim zot menm si zot pe fer li dan en fason tre enbesil. Gouvèrnman LDS i reste angaze pour garanti laliberte lekspresyon pour tou Seselwa. Nouvo lalwa ki dekriminaliz difamasyon in fini ganny aprouve par Lasanble Nasyonal e enn fwa lalwa i pran lefe, tou ka difamasyon pour ganny trete koman bann ka sivil selman. Sa bann devlopman i montre determinasyon gouvèrnman pour

bouz lademokrasi devan.

Par kont, bokou dimoun i sitan oule servi bann nouvo drwa ki zot in gannyen me zot konfize. Sa i aplik sirtou pour bann ki pe rod latansyon. En lot bann pe kasyet deryer bann swadizan lorganizasyon linyon travayer kan an realite zot bi se ganny latansyon politik. Lopoziyon in sitan perdi relevans ki zot pe esey manipil detrwa nanryen fer pour desann anvil tou le wikenn avek tou sort kalite plakar an giz eksprim zot soufrans.

Sa pti group endividi pe swadizan proteste lo non travayer Seselwa ki dapre zot pe ganny viktimize. Sa ki enteresan se ki lamazorite zot pa travay. Menm zot bann dirizan pa travay. Si

zot ti travay, zot konplent ti ava kont zot anlplwayer e non pa kont gouvèrnman. Apre tou, si zot ti dan lanplwa, zot ti ava annan en louvraz pou fer olye vin asiz obor lorloz pour en bwat manze midi e enn pti kasaz sorti kot zot bann dirizan politik. Okenn antre zot pa travay dan servis piblik. Toufason, zot drwa proteste, menm dan lenbesilite, i ganny proteze.

I enteresan vwar bann mesaz ki sa pti group pe fer pase. I annan ki dir zot lafen me olye leve e debrouye dan en pei kot i annan en labondans travay, zot oule ki gouvèrnman i donn zot tou. Apre tou, ler oun abitye viv en lavi depandan lo lezot, tenir en bord pour ennde erdtan i garanti ou en bwat manze midi. Se dan sa kalite fernwanr ki bann dirizan lopoziyon i oule Seselwa viv.